

天台山全志

天台山全志卷十一

楚郢張聯元覺菴輯

序

宋之瑞

天台人字伯嘉隆興元年進士官至寶謨閣直學士

天台圖經序

天台僻居海嶠古不名佳郡往往爲逐臣棄魑魅之地
暨皇朝聲教遠被乃稍列於中州翠華南渡密邇行都
始爲輔郡然而氣鍾神秀仙佛所宅洞天福地殆與蓬
萊方丈相埒其著稱自昔又不可掩者之瑞弱冠游太
學先是未嘗一登勝踐或有問者輒口呿不能對私竊

嘆曰司馬遷徧游天下名山大川而吾居是邦曾不能
出戶庭少迂杖屨是可嗤矣龔歲居憂多暇遂與一二
釋子窮探極詣不憚爾足凡高僧逸士之所棲隱騷人
墨客之所賦詠斷碑殘刻靈蹤異狀隨筆之紙歸而參
以祥符圖經所載殊略蓋是時委官耆粹志於趣就矧
距今垂二百祀其戶口之繁庶賦入之增貲與夫人材
輩出區宇創建自應月異而歲不同矣於是門分彙次
羸成一編惟荒誕不經者削去弗錄姑以便覽觀而資
問答藏之巾笥有年矣邑宰毘陵丁公大榮博雅好事
一日訪予深以圖經未備爲闕典因出是編示之欣然

抵掌薦續近事尋命餒梓昔與公蓋嘗賦天台矣第不
過馳神想像故辭雖富而事不該今其得於耳目睹記
詳而非虛意者庸可以傳信乎庶俾懷青霞之致者聞
其名而不及見一開卷而盡得之若乃蒐補遺放則猶
有望之後人嘉泰二年八月望日序

徐一夔

字天台人洪武初召入史館授杭州訓導著有如豐稟

集天台山賦爲詩序

天台山在越之南名雖不齊於五嶽而神秀所鍾有雄
麗絕特之觀焉晉孫興公爲章安令嘗慕其勝著爲天
台山賦其賦旣成以示友人范榮期曰此賦擲地必作

金石聲茲山之勝古未有發其祕者自興公始發之其
後名公鉅人若唐翰林供奉李白元余文忠公闕皆有
作以嗣其響焉李翰林有至天台曉望詩余文忠公有
勸農至桐柏詩其詩妙麗膾炙人口而未有櫟括孫賦
而積爲篇什者也宣城何公行部至天台觀其雄麗絕
特之狀左顧右盼有不欲捨去之意然職在巡訪勢不
能窮幽極竅甚戀嫪焉方外士有以趙文敏公所書天
台山賦刻本獻者按而讀之目之所遇與賦之所及意
欣而神會遂集賦內所指景物如東坡先生櫟括陶淵
明歸去來辭爲樂府故事以題詠焉得近體詩若干首

其還司也且以示凡能言之士悉集其句爲之曰誠不用其語雖工弗采且囑予以言弁其首余也世居天谷凡勝地之見於篇什者少時侍先人杖屨嘗遊焉竊較赤城之霞氣瀑布之飛流莓苔之滑石而皆莫若瓊臺雙闕之爲奇特峭崿崢嶸懸磴萬丈比至其頂地平如砥九嶺環拱雙闕夾之瓊臺中居五芝含秀八桂森出樓閣縹緲於彤雲彩霧之中彷彿如在天上故興公之賦目爲仙都而述其地特加詳焉今余流落他郡且老而鄉之勝未嘗不往來於懷若興公之賦早嘗習之當夫懷土之心生蓋嘗臨風一詠以祛愁思而習熟見聞

之久終不能祛也今見公所集其句之字爲詩組織工
緻模寫圓熟逸興飛動於層巒疊嶂之間政如李光弼
入郭子儀軍部伍雖舊號令一出風彩新矣不其奇哉
是詩也使他方之士見之天台之勝如在目前況如予
之舊所遊者哉寧不爲之欣快因不辭而序於公詩之
次凡承公命而作者則請以次書焉

范理

字道濟天台人宣德庚戌進士官至吏部侍郎著有天台要略及丹城彙

天台要覽序

世固有同稱而異歸者天台之名著自古昔其著於古
者若劉阮之云孫公之賦隋唐以降神仙老佛之說前

後迭出蓋方其時長才秀民之生其間不欲與世相聞
往往託而逃焉謂爲神仙窟宅者此也其稱於後者率
皆發爲道學之懿用世文章事業之顯如潘時舉之有
得於程氏之傳徐大受之與聞乎朱氏之旨他如曹謙
公賀參政黃秘監賈節制之流各以所長自見者後先
相望蓋至趙宋以來文教誕敷渡江之後京邑密邇中
原避地之賢則又參迹錯處其鴻生碩儒之興一變而
轉爲佐時之具固其宜矣我朝聖聖相承涵濡旣久其
用於世如徐文肅公以下諸賢又皆卓卓流聲著實嗣
是而起森然蔚然足膺當宁之付任以發聞光昭於時

者比比有之於是又有文儒數澤之稱向之所謂仙風
異流蓋泯泯也是其出處隱顯之跡不能無間要之神
秀孕靈今昔同一軌矣舊志頗泛無統比因來宦遠方
勝然故邑命兒曹錄其詩賦得古今人所作如千首并
手疏游覽名勝大略分爲山水人物詞翰三志名之曰
天台要覽藏之篋笥用備政餘檢閱以慰他鄉之思因
述梗槩篇端俾覽者知天台之著稱雖同而所以取稱
則異如此其他公署額設版圖財賦故實與夫長邑名
賢出處古蹟碑刻雄文大章之臺臺者則固有不能盡
錄者焉

鉅公豈非幸與雁宕桂山天下之奇勝也在唐漢固無聞焉由是推之則今之名山秀水不幸託非其地泯滅而無聞豈其微哉若天台之勝得附能言之士以聞於世則名非過情然視夫託非其人泯滅而無聞者亦不爲非幸矣嗟乎豈直山川然哉士生斯世幸而獲遇若伊尹之於湯呂望之於文王諸葛之遇昭烈古今數人而已矣何吐握之風日漸以微巖穴之士豈無抱經濟之才流落不遇而興遺珠之嘆者乎揚於王庭固皆一時之選然其間豈無德薄而位尊力少而任重卒貽覆餗之羞者乎則幸與不幸又其大焉者矣予於此竊有

所感故僭及之梅壑名城字子良嘗著山川昆蟲百詠

碑記

沈

約

字休文事竟陵王以文學見親與范雲等號稱八友梁武帝封建昌縣侯性不飲酒少嗜

慾永平中欲棄

官乞爲道士

桐柏山金庭觀碑記

生靈爲貴有識斯同道天元及終天莫反故仙學之秘
上聖攸尊啓玉笈之幽文貽金壇之妙訣駐景濛谷還
光正枝吐吸煙霞變鍊丹液出沒無方升降自己下棲
洞室上賓羣帝覩靈嶽之驟啓見滄波之屢竭望朶州
而駿驅指蓬萊而永驚芝蓋三重駕螭龍之蜿蜒雲車

萬乘載旗旆之逶迤此蓋棲靈五岳未暨夫三清者
若夫上元奧遠言象斯絕金簡玉字之書元霜絳雪之
寶俗士所不能窺學徒不敢輕慕且禁誓嚴重志業艱
劬自非天稟上才未易可擬自維凡劣識鑒鮮方徒抱
出俗之願而無致遠之力蚤尚幽棲屏棄情累畱愛巖
壑託分魚鳥塗愈遠而靡倦年旣老而不衰高宗明皇
帝以二聖之德結宗元之念忘其菲薄曲賜提引來自
夏汭固乞還山權憩汝南縣境固非息心之地聖主纘
曆復蒙繫維永泰元年方遂初願遠出天台定居茲嶺
所憩之山實惟桐柏實靈聖之下都五縣之餘地仰出

星河上參倒影高崖萬杳還澗千迴因高建壇憑巖考
室飭降神之宇置朝禮之地桐柏所在厥號金庭事曷
靈圖因以名館聖上曲降幽情畱信彌密置道士十人
用祈懇志於元都望霄客於雲路仰宣國靈介茲景福
德無不至幽荒屈膝戎貊稽顙息鼓輟烽守在海外因
此自勉兼遂微誠日夕勤劬自強不已翹心屬念晚臥
晨興食正陽於亭午念孔神於中夜將三芝而延佇飛
九丹而宴息乘鳧輕舉畱鳥忘歸以茲丹穎表之元極
無日在上日鑒非遠銘石靈館以旌厥心其辭曰道無
不在若存若忘於惟上學理妙羣方用之日損言則非

常儵焉靈化羽變蜺裳九重崑崙三山璀璨日爲車馬
芝成宮觀虹旌拂月龍輶漸漢萬春方華千齡始旦伊
維菲薄竊慕隱淪尋師請道結友問津東探震澤西遊
漢濱依稀靈眷髣髴幽人帝明紀歷惟皇纂位屬心鼎
湖脫屣神器降命凡底仰祈靈祕瞻彼高山興言覆墳
啓基桐柏厥號金庭喬峰迴峭擘漢分星臨雲置蹕駕
岳開櫺闥塗塞產林圻葱青誰謂應遠神道微密慶集
宮闈祥流罕畢其久如地其恒如日壽同南山與天無
卒更生變練外示無功少君飛轉密與神通因資假力
輕與騰空庶憑喜誘永濟微躬

徐孝克

字

官至國子祭酒

放生池碑記

僧智顗先贖窟一所永爲放生之池至後綿亘江溪扈梁合六十三所同

時永捨表聞江陵陳宣帝敕云此江若無鳥賊珍味宜以所請永爲福地隨敕製碑

夫大易無體品類所以咸亨太一無名至人於是設教
仰觀俯法遠取旁求兼三以才吹萬維物建宮台鉉則
五嶽作鎮辨方伯牧故四瀆分流闢伊闕覽八紘鑿龍
門披九澤播厥習險因之以利民相生卜洛樹之以君
長坎之時用大矣哉我皇帝作聖神乘圖御籙無爲
無欲道契汾陽垂拱垂衣德隆至治辰象真明管灰合
序方外無虞海內有截被風雅於華戎盛雍熙於曩代

巍巍乎難得而稱者也至如光啓法式榮敷道樹化彰
十善弘濟四生天台脩禪寺智顗禪師疏練自居苦節
行美奉揚皇風總持像季禪師俗姓陳氏潁川人也乃
有媽之後焉四友驚座遯聽多美六奇列傳世載其賢
祖詮早世父起祖梁使持節散騎常侍益陽閬國侯禪
師童真出家聰敏易悟寓居荆峽遊化幽并自北徂南
兼行禪智禹穴將探台山是卜白雞路出青髓巖開攀
桂結宇蕭然憩止林交五柳旣馥旃檀之氛塔現三層
終縣水精之色雲崖天樂不鼓自鳴石室金容無形畱
影秀嶺嶽岑浪波浩瀚洪濤蜃氣冒遠苞空巨壑喬松

千雲翳日翔集飛走叢育珍怪地中藏玉觀曲枝而易
辨淵內沉珠見員流而可別神通開士如意桑門振錫
咒泉騰空舞鉢受丹仙容汎急水而時來避官真人乘
迴風而迴至厥土宏灑靈識斯在禪師福慧基茲聲光
利益宣猛將軍臨海內史計尚兒子勲之胄世顯方術
賣藥登仙聞於昔漢剖符作守卽此明時請轉法輪講
金光明一部前雲騎將軍臨海內史陳思展及其猶子
陳要卿等卽土人也戎章衣繡優秩家邦奉屈禪師次
講法華經典白牙團扇初開律藏之門玉柄塵尾榜闡
經王之偈繫珠始訓親友醉除夢鼓將鳴梵魔疑遣因

乃雙明誠勸廣辯殃福尚兒仍獎諭滬主嚴續祖羊公
賀等羣賢凡百君子信誓斯立丹誠恪勤白業諸辯嗟
如棠之往累歎鉤僕之來緣各捨滬業及漁梁等合六
十三所二緣樹下縣唱善哉五旬座上遙聞彈指巨海
無際一時清謐衆生無邊同荷安快掌擎世界未粵難
思手把虛空非名希有桂陽王殿下皇枝之貴應懋間
平情崇孔釋吐懸河之旨擊節證明示半月之形深心
隨喜五侯三傑曾不閒然黃髮青衿咸同踊躍藏諸篆
素青編落簡樹以貞碑聲芳靡絕假令山止海運惠施
之美猶傳龜吉筮凶鐫勒之功無毀孝克才慚十倍學

憶三餘秋菟春蒲久捐染截書紳畫地曾無圖寫雖復
張池並黑寧擬妙辭峴石徒刊非能墮淚仰熏心之上
善羨山水之清音寸志片言乃爲銘曰設位觀象剖極
開混蕩蕩爲大蒼蒼以尊膏川瀆地脈河源導疏咨
禹蓋取維軒嗟乎坎德至矣坤元淳風樂土君臨御寓
明明孝治穆穆聖主道冠當今功高前古慶協嘉瑞美
均擊拊仁沾動植澤及遐宇釋種高族身資瓢藪匪慕
分圭歸心染服辭彼緣慮言旋幽谷志託松筠形隨喬
木七覺善誘五禪清肅無遠弗届無思不服將軍邦宰
肩印銷罪淑女良夫民業珍賄靡宏十明寧追百倍不

見所欲忘懷無待各捨貨泉同成佛海泐滌冥蒙瞻眺
唯空屏師送雨列于揚風鯤鱗以北極外之東遠水衝
日曾波駕蓬地上之比山下之蒙涇清渭濁朝宗會同
天台維節林泉搔屑頂列三辰峰危九折瀑布高瀉神
狀姝潔響若奔雷皎如素雪時隆冬而不凝歲炎旱而
無竭石橋杳邈晨暉映徹仰止青霄俯臨丹穴鳥路雲
通人途徑絕渤澥難邊含情沂沿噉噉岌岌萬萬千千
鼓鯉掉尾相望自然薛網無挂任釣不牽歌舫靜拽饗
俎停羶行滿業大弘生爲最斷樹誠規翳樊斯誠噲參
靈鶴敬康神蔡隨感明珠于期軒蓋嘉會信徵潛騰是

東山志 卷十一
三
賴逝矣虞淵波瀾易遷高岸深谷蓬海桑田石餘幾拂
芥盡何年大地將隕須彌洞然風傾金際火及初禪猗
歟水性報轉常圓

徐陵

字孝穆東剡人官至尚書左僕射

天台山館徐則法師碑記

夫海水揚塵幾千年而可見天衣拂石幾萬歲而應平
至人者譬彼晨昏方乎晷刻固非俗士之所能言寰中
之所能量者也至如不死之草猶稱南裔長生之樹尚
挺西崑百紀遊龜皆登蓮葉千齡壽鶴或舞松枝假以
生民何其天脆譬彼風電同諸泡沫琢火之歎聞諸往

賢逝水之悲嗟乎前聖樵人看博信未始乎淹留
彈琴固不移於俄頃然而子孫皆其數
萊是以志士名賢飄然騖
軒其猶極枯
甚籠樊隱淪巖洞食餌芝髓
化金繩玉版受謁帝之

錄法師蕭然道氣卓矣
萬頃無

度所以伊川控鶴葉
方去還斯在銘

日來去三鳥
雨上擊磬雲中玉粒軟

金膏
昏蒙

崔尚

桐柏觀碑記

碑係韓擇木八分書元宗題額

天台也桐柏也代謂之天台真謂之桐柏此兩者同體而異名同契乎元道無不在夫如是亦奚必是桐柏耶非桐柏耶因斯而談則無是是無非非矣而稽古者言之桐柏山高萬八千丈周旋八百里其山八重四面如一中有洞天號金庭宮卽右弼王喬子晉之所處也是之謂不死之福鄉養真之靈境故立觀有初強名桐柏焉耳古觀荒廢則已久矣故老相傳云昔葛仙公始居此地而後有道之士往往因之壇址五六厥迹猶在洎乎我唐有司馬鍊師居焉景雲中天子布命於下新作

桐柏觀蓋以光照我元元之丕烈保綏我國家之福祉者也夫其高居八重之一俯臨千仞之餘背陰嚮陽審曲面勢東西數百步南北亦如之連山峩峩四野皆碧茂木鬱鬱四時竝青大巖之前橫嶺之上雙峰如闕中天豁開長澗南瀉諸泉合漱一道瀑布百丈垂流望之雪飛聽之風起石梁翠屏可倚也琪木珠條可攀也僊花靈草春秋競發幽鳥清猿晨暮合響信足賞也始豐南走雲嶂間起剡川北通煙岑相接東則亞入滄海不遠蓬萊西則浩然長山無復人境總括奧秘鬱爲秀絕苞元氣以混成鎮垺地而安靜非夫神與僊宅僊得神

營其孰能致斯哉故初營天尊之堂晝日有雲五色浮
靄其上三井投龍之所時有異雲氣入堂復出者三書
之者記祥也然後爲虛室以鑿戶起層臺而繫土經之
殖之成之翼之綴日月以爲光籠雲霞以爲色花散金
地香通元極真侶好道是遊斯息微我鍊師孰能興之
鍊師名承禎一名子微號曰天台白雲子河內溫人晉
宣帝弟太常道之後祖晟佐隋爲親侍太都督父仁最
唐興爲朝散大夫襄州長史名賢之家奕代清德慶靈
之地生此仙才以爲服冕乘軒者寵患吾身也擊鐘陳
鼎者味爽人口也遂乃捐公侯之業學神仙之事科錄

教戒博綜無所遺竊冥夷希微妙詎可識無思無爲不
飲不食仰之彌峻巍乎其若山挹之彌深湛乎其若海
夫其通才練識瞻學多聞翰墨之工文章之美皆忘其
所能也鍊師蘊廣成之德睿宗繼黃軒之明齋虛而來
將利國政侃侃然不可得而動也我皇孝思維則以道
理國叶帝堯之用心寵許由之高志故得放曠而處逍
遙而遊聞鍊師之名者足以激勵風俗睹鍊師之容者
足以脫落氛埃以慈爲寶以善救物神以知來智以藏
往允所謂名登仙格迹在人寰奧不可測已矣道生乎
無名行乎有精分而作三才播而作萬物故爲天下母

脩之者昌背之者亡故爲天下貴況絕學無憂長生久
視也哉道之行也必有階也行道之階非山莫可故有
爲焉有象焉瞻於斯仰於斯若舍是居教將奚依損之
又損以至於無爲元門旣一不名厥功朝請大夫使持
節台州諸軍事守台州刺史上柱國賈公長源有道化
人有德養物嘗謂別駕蔡欽宗等曰自道以含德德以
致美美而不頌後代何觀乃相與立石繼頌以 至道
之光其辭曰邈彼天台嵯峨崔巍下臨 海遙望蓬萊
漫若天合呀如地開煙雲路通真僊時來顧我鍊師于
彼瓊臺鍊師鍊師道入 微喻日安坐凌霄欲飛興廢

靈觀鍊師攸贊道無不爲美哉輪奐窈窕茫茫通天降
祥保我皇唐如山是常

按此碑久已斷爲三截止有中
截存妙山在天台縣東一百步

王展

不知何許人寓天台頂斯有懷王展詩

應澤廟記

白郎巖因神姓名也在天台山西東抵唐興縣三十里
長慶四年秋風雨不應候土產之物焦乾幾七八農人
愁毒相視不聊生自浙東數郡咸然縣令白餘豐曰某
竊長斯邑邑人愁毒猶吾愁毒也將禱於名山顧其遠
遠某始至時經於白巖異狀深黑鬼峭疑有神宅焉因
探其端得寺記知白郎神事因詣法師普耀所憩巖側

虔禱禮請未及竟有異物自穴出黑首高脰素臆錦脊
其顧視昂昂之勢若龍若蛇不驚不搖受祝而退其夕
降甚雨居數日物反秀綠自寶曆元年更復旱縣令求
去年之祥召邑居客與同往祝請其年六月十八日是
物復自穴而出一如去年狀加四足焉足呈掌爪若欲
擎攫是夕復降甚雨異哉其神明歟神必山川山川不
崛神不依焉受祝惟神禱不精誠神不歆焉天與神通
神非真正天不應焉縣令與丞非尊官也能一精專於
下而通天降神其應如射豈細事耶足以誨天下之慢
易者展適在山野獲同觀焉因記其年月於是巖之側

寶曆元年八月日記

曹

勛

字功顯陽翟人宣和五年進士官節度使紹興十一年請金迎徽廟梓宮及太后來歸乞

身奉祠提舉桐柏崇道觀贈太師謚忠靖

重修桐柏觀記

天台山之右曰桐柏自地距洞門幾十里始至其上重復奧區別爲室所四山如城郭不假除治雲聳壁立天造地設中則葛仙翁鍊丹之居至唐司馬子微大營宮宇設虛皇像以安羽流玉霄峰直其東瓊臺峙其西靈府方瀛奠其北中有瀑水飛流噴沫勢若萬馬奔而南下四時巖谷垂若天紳居人行客彌望不極故真誥謂

越之桐柏實金庭洞天養真之福境上真主領以會羣
仙固非尋常山川惟龍蛇所處是以高接上漢深隱九
霄控引天地錯綜今古包括形勢不與外塵相關苟非
棲神養素之士則不能少畱煙霞間僕比丐閑稅鞅踰
月都忘俗駕因見屋宇閎五代至今無不損弊而象設
蒙漏往往渝剝欲力爲勸緣營建時觀門都監石慶端
道副正厲永年石葆璋皆捧手相勉誠山門不世之幸
獨葆璋願竭力任土木之役罔敢懈怠於是六七年中
專以觀事求在位者得太師和王楊公并其子敷文閣
待制俛洎僕悉出俸錢擴殿廊基各增闊丈餘創爲高

廣顯闢脩廊又募古石本繪度人經象於壁改造三清
正殿及命工粧彩棟宇俾之輪奐其象失天人之容者
則易塑眸穆增舊金翠以至立三官殿移齋堂爲鉅甍
可容千衆并敞東西兩客館以待過賓撤去
外戶如中都上清之制宏啓三門塑龍虎君率極雄槩
展立靈星門以拱耽耽之勢覺青厓丹壑松竹幽積隱
居道師悉蘊和氣道士唐知章以錢氏手寫金銀字道
經出私錢建藏并殿由是內外堂宇皆備良材堅甃文
石五金之用自重山而下扛木累土於上及諸綵繪等
約費千萬崇厦岌業翹鴟相直如出於浮空紫翠之中

粲然一新真九清仙聖之攸居萬靈威神之所御巖巖
翼翼翬飛宏躍化成中天來居來遊者皆道念超勝殆
若靈仙飛化無不懷凌虛靜一之志遂可日與道衆陞
殿香火仰祝天子萬壽爲閱世無窮之道場豈不休哉
故一山淨友觀感而化以勝增善平日慵墮嗜食之徒
皆磨礪淬厲期合於真遊詠道德率皆脩整得慈儉三
寶之益問其教則精勤持誦皆不踰矩入於堂則戒臘
有序無相奪倫與之語則氣貌清潔漸入仙宗其於荷
負至要隨時樂道可以副紫陽新宮之文而山卿有不
無辭以言其詳也僕晚暮之景得相與成茲勝事因爲

原本極始敘得人任職比舊脩創增易之難刻於堅珉以示將來葆璋常曰剗心歷膽每無忘於興造有日矣然未遇知音果上真垂憐助此功也或者以桐柏在浙東最號名觀扶晨暉霄緌山降九龍之駕■辟非素景陽策三公之衛至朝廷則鉅公顯人每爲均逸提領之所又閩廣湖湘多取便道車馬遊訪項背相屬賓從棲止視餘處爲尤煩詎可隘陋徒示虛無且復吾教惟言清淨淡泊非有死生禍福爲警世資取之方獨有際遇賢智心規亮清始方求建易興作覲接續真境弗墜厥績所以倍難以時也噫不避衆人之謗不虛一日之供

躬役土木載新靜域能畢力而不憚者葆璋是已豈不
賢於坐視以待其廢墮哉後之繼者倘不忘前人之功
俾道衆晨夕瞻禮安於寢息而保希夷之樂亦始事者
之幸必不獲譴於洞天福地矣尚監於茲僕停軼方外
野鶴閑雲蘿月松風放意身世寄言蕪類且勸方來爾
其諸梗槩覽者當有得於斯文

李彌綸

字
台州軍

人紹興十年以右朝奉大夫知

善利廣濟真人祠記

雨暘晦明之候豐稔荒歉之數皆繫於陰陽司於人物
非秉天地之正御六氣之辨者孰能噓吸變動宰制役

使之耶歲己未夏六月天台郡大旱禾稼將槁遍走羣望不應民以怨嗟郡請通軍州事李彙詣桐柏山崇道觀迎元應善利真人像入城祈禱將至山雲氣四合風雷倏起左右駭觀及境雨澤沾足遂獲秋成郡考覈自政和間始稱之因兼前後累有靈效上之朝命褒稱善利郡人歡呼願書其事按載籍真人周靈王之子晉喬或其字也靈王有子三十八人晉太子也嘗以諫疏陳川澤之說後受飛解之道去入緱氏山遺言將賓帝所圖經云爲右弼真人登侍帝宸司天台水旱故一方之人敬事且有期應也陶隱居稱桐柏山在會稽東海內

有金庭誠不死之福鄉方圓四十里常有黃雲覆之木
則蘇珂琳碧泉則石髓金漿其山盡五色金也孫興公
賦云天台蓋山嶽之神秀元聖之所游化靈仙之所窟
宅也陶隱居又稱越桐柏之金庭吳句曲之金陵養真
之福境成仙之靈墟其詩云三宿麗天序二金標地靈
真誥載真人往來吳越棲宴兩金其說甚詳惟真人生
能以陰陽事物之理利害休戚之說告於王厭世上賓
邈數千載猶能以雨暘惠澤及於民輕舉遠遊擁雲氣
跨飛龍出乎六合之外而靈通妙應矜蛩之報一皆曲
應人寔真入之道亦傳矣予所以考詳而竝載非特寵

之上貺爲一方之榮蓋欲夫爲道嚮精神光德業久而
不替可以贊化育參天地靈爲星辰妙爲造化而爲吏
爲民者知幽冥之間不可欺昧天地鬼神鑒之在上質
之在旁精誠之應速於影響善惡之報顯如黑白如是
之不可誣也庸可以不書

宋之瑞

佇真亭記

石梁勝冠台壠實五百應真示現之地故其下龍湫特
靈遇禱輒響各第山徑境塢披榛取道往往就曇華亭
望拜從高瞰下於禮弗虔去歲冬十一月縣令丁大榮

始至展謁顧瞻惕然乃捐縣帑百千委住持萬年寺僧
智海卽潭之隙度地建亭榜曰佇真於是夷險鋤荒護
以闌楯今年夏五月不雨種猶未入土令集緇黃躬詣
新亭伏謁致拜告起未竟忽有鼃大如覆盂出沒波面
已而投刺下墜若有物掣而取之觀者駭異須臾鼃復
出遊遂迎以歸越二日雨大霽霽四郊霈足稚耄歡喜
莫不感神之休頌令之德願刻山石以彰永久之瑞竊
謂山水佳處居官類多築臺抗榭務爲遊觀斯亭之建
意獨不爾矧中孚之信尚及豚魚宜乎淵潛效靈厥應
照焯是可書矣舊傳石梁側有蓋竹洞天湮沒踰二百

年往歲何公偁持節登按嘗夢遊其地訪求不獲是行也尹窮探偶得之洞深可二丈餘中有二峽穹窿幽邃下視攢峰疊嶂如列畫屏又得曇猷厥初修道遺址於蕪穢蒼莽中見謀枋亭以嚴奉事而易置今菴爲龍君祠一旦天地秘藏軒豁呈露以是知境不終晦待人而顯故并書之嘉泰元年六月望日記

俞

建

字國瑞府學教授

人紹興六年以從事郎爲台州

送金銀錢還潭記

石橋勝甲東南其巔有瀑倚壁淙淙練如雪激下瀦爲淵澹沄泓泚蜿蜒所家過者動色州邑旱潦調講顧答

如嚮旁封閔雨耄倪越疆丐潤餅罌朝歸霖淫暮洽殊
靈嘉應隱然爲霞城冠先是邑大夫凡禱率於曇華亭
致禮卽高瞰卑情文匪稱慶元庚申冬仲縣尹丁君大
榮始至欵謁心蹙不寧首捐帑夷荒臨淵十許步築亭
爲祈禱所榜以佇真嘉泰改元夏五月不雨禱於廟於
社於佛弗獲命噉噉搏手丁尹躬走靈淵祝史薦祠香
縷甫升倏有巨鼃躍見迎至邑宇廳車發軔游鰲四集
翊日甘液翻盆淪洽稿頽耄稚呼舞合詞願白郡以徹
於朝丁尹弗能抑具以實聞旋錫廟額惠澤以侈神休
尹旣肖像揭虔仍搏費買田歲得穀四十石爲蒸嘗奉

越明年十雨五風時氣熏沃以大有書龍君陰相寶弘
夏五月末澣雷電晦冥淵泉濺涌舒露錢寶班班崖側
樵牧摩肩攘取恐後巨石陡然從空隕室其穴萬牛莫
挽貪且覲者始信有物護持屏息退縮浮屠氏或獲而
私之青蛇輒護繞陰祝願輪官猶徘徊弗遽去邑人駭
異愬縣縣諗覈得金若銀錢十數圓徑六寸而羸鎔範
如刻晶采弗磨實國朝太平興國中賚予道者自詢舉
以鎮龍淵者也丁君創觀斯寶歛衽起敬懼無所歸肆
委寮宋吳邦彥護而復諸潭且囑建識顛末以詔後建
竊觀天下寶藏光芒鮮克自闕惟神龍所潛九淵叵測

故千金領珠非遭其睡弗得也金錢之在淵亡慮二百餘祀先後踐更凡幾儲深伏奧靳不輕發特爲丁尹出焉豈顯晦久速默存定數而金石爲開感召厥有機歟使丁君微不燭明不幸落愚貪手疇能昭揭奇寶通邑戶傳其美不沒意龍君灼知丁尹其殆擇焉以耀其靈耶猶不盡顯則鑊石以傳不朽丁君所以答塞龍君至矣雖然地不愛寶昔惟有道盛時揭之斯文唯邑人樂昭縣尹格物忱恂寧知歸美朝家丁君實惓惓歟故不得辭而爲之記

丁可

字無可天台人隆興元年進士監惠民北局

福田莊碑記

耕而食生者所以爲養浮屠氏作乃衣食於持鉢其說
行其與多斯民以耳目爲信向龜手繭足櫛櫛朝夕輟
口懽喜以爲養釋氏安焉於是議者始以不耕少釋氏
伊菴權師來天台主萬年方外禪衲雲闕霧合師謂其
徒子性曰來者多食指奈何吾觀大舍之陽羅漢之麓
淖泥之泆去寺數里兩山陰陰雪棘風林夾徑深深老
木千尋伏虺匿蛟行邁寒心汝其屏除叢灌攘剔芄樸
蒿可以藝下可以殖大舍之左平田之東洩瀑之上去
寺一舍四山低回不險旣夷土膏水深原田每每菅茅

莽蕪風雨叢滋汝其薙翳薈荆蒨鬱可以經理溝塍井
畫疆場於是巨室豪家具以爲宜接軫踵轂委貲散金
迤邐風靡贊喜無數性曰原隰奧區無有垠堦施者有
限疲人力於一役如其憊何乃訪故老尋廢址築莊於
平田洩上曰福田爲屋一區堂廡庫庾兩序具備存施
錢千緡爲母以倡子歲取贏焉因農隙廣隴畝其本不
搖而力有餘地歲浸久且將凋鏹裕猗盡爲阡陌高下
封畛綦布綺錯利可旣哉性以其說求記於可且曰萬
年舊得額曰福田今以名莊示反本也饒施者名於碑
陰示不忘本也可曰吾固不肯夫總總之不耕汝知本

哉三嘆而爲之記

唐仲友

字與政金華人淳熙七年知台州軍

善利廣濟真人祠記

道家言仙人王子晉受帝命爲右弼真人治天台山桐柏福地坐金庭宮受五嶽朝謁總御衆仙其位高其職重其冠服儀衛尊嚴率民以事神其禮宜稱蒙澤而效報者可苟簡而但已耶淳熙辛丑夏旱郡以故事迎香火於山至郊而雨邦民咨嗟願致崇敬乃更天慶塑像鏤木加髹絢以奇彩帳座輿輦幢節旌扇葩果燈燭之供皆新之工匠精能金碧輝映瞻者改觀壬寅歲上元

慶贊於郡之君子堂後二日奉安於昊天殿之東偏使
吾民永有依鄉自周及今數千載真人道益光政和紹
興繼錫顯號仲友之報德則已微矣故采國語仙傳效
步虛之音爲贊詠九章授羽流歌之其詞曰周道昔波
蕩王子生不辰忠言諫壅川親意不我親天壤不可支
厭此濁世塵樂師爾何知吾將去上賓吹笙洛陽道邈
逅浮丘公方瞳一莫逆精思嵩高峰劍舄我何有飛馭
凌剛風時聞鳳凰鳴隱隱丹霞中弦月何皎皎縱山何
巍巍上有白鶴駕聊與時人期後天周三光何必千年
歸金闕帝有命吾非丁令威帝念下土民山川分百靈

命汝右弼君秘宇闔金庭闔陰陽機五嶽趨朝纓暇
日帝汝思時時來玉京桐柏亦何有青輝照瓊臺衆泉
注金石萬木羅琳瑰玉室靜窈窕鶴鸞紛徘徊紫雲擁
飛蓋知是真仙來丹符列素奏黃水晞雲漿吾道固欲
傳世人殊可傷授汝紫陽周語爾茅山楊食之仙人芝
引袂同飛翔丹丘壤千里水旱固所司吾民實可矜有
守孰不祈應汝捷影響樂歲免阻饑萬人齊叫閭天子
遠亦知天子錫榮號賁我靈宮祠吾道豈加損羣心自
瞻依依我芙蓉冠劍佩明朱衣自周迄於今千載彌光
輝外傳炯遺迹真誥垂微言子微有妙筆羅列丹青傳

我生後諸子傾心慕真筌像設儼如在白雲聊續篇

蕭文清

字

江西人嘉靖間台州推官

清風祠記

余游天台桐柏宮入法堂見夾室有二石像衣冠甚古叩其石甚堅緻背有古篆字拂塵視之一曰伯夷一曰叔齊予問所從來道童曰相傳趙宋時宮有黃道士者知醫宜和天子召治母后疾疾愈官之辭賜之金帛辭獨乞此二像載以歸予聞喟然歎曰有是哉史記載夷齊遜國諫伐多激詭殊非聖者事似出子長附會然避世海濱餓死首陽孔孟稱述不可誣也故孟子以爲聖

之清其風可以廉頑立懦古之好事者豈以爲言不如
像故復琢此石以風世耶宣和間斂天下之石以建艮
嶽其殆以玩石視之也是故黃道士悲焉載入宮歷數
百年無特室以藏殆又以常石視之也是故予又悲黃
道士之意焉乃入道童室後求隙地得二丈餘高明爽
塏松筠交蔭可作室以庇像願予力又弗能也至邑以
語鍾令令欣然從事歸郡又白太守譚公公曰此有關
世教子盍記焉吾將題其門曰清風祠并刻記於石譚
公名綸宜黃人鍾令名紐予吉永豐人

張廷臣

字



番禺人嘉靖進士台州知府

桐柏宮移祀夷齊像記

伯夷叔齊餓於首陽之下夫子稱曰古之賢人也司馬子長作傳文詞閎邃學者彙能誦習然思見夷齊而不可得其祠特祀於孤竹故墟列郡罕聞天台縣舊有桐柏宮夙擅神秀余守台三年始至崇山峻嶺蒼翠環轟觀宇就荒其中門置二石像後篆刻伯夷叔齊字甚古詢所繇來無知之者攷赤城舊志載夷齊沒爲九天僕射治天台山宋紹興間建祠於茲或其遺與嗟乎名賢委地土木神像享丹雘之崇瞻玩太息裴徊移時不忍去乃縱步廟側有廳基宇軒敞了無夙設若有待者及

至縣以語方令惟一令慨然曰是誠不可已也遂卜吉
庀工略加脩葺移二賢像而崇祀之廟貌有翼氣象惟
新雖清風高節不視此爲重輕然表先賢勵來學寔守
令事也瓊臺雙闕巖谷奇觀孝先子微棲息冲舉遊桐
柏者能道之豈知夷齊芳躅凜凜乎高並峻嶒霞出羽
化耶昔記嚴陵祠云廉頑立懦大有功於名教顧夷齊
爲百世之師奚但桐江垂綸已哉鐫記歲月以詒諸後
或諒余心之不愧夷齊當有聞風興起者

賀允中

字子忱上蔡人參知政事紹興初寓居萬年寺西後徙臨海

應心泉記

居士賀子忱編茅爲屋與其孥寓天台山萬年禪院之
西地勢爽塏土脈深厚植花種竹日以成趣惟是水之
去人稍遠而饋餽滌濯之用不足上有小澗走以竹渠
則寒月常冰下有廢井汲以桔槔則人力深勤一日居
士齋心炷香仰首山靈而祝之曰聚族百指結草而居
上下蔬食甘苦一律所需於世者甚薄而瓢飲之樂未
適其願昔耿恭拜井而泉溢王霸濟渡而冰合雖今昔
異時開劇殊事而約已爲衆有求斯應誠苟至焉理則
均也神其吐之乎旣祝之十日早陽驕亢氣蒸如焚舍
之東北相去十步不加穿治天淵之泉旣潔且豐其甘

如醴其寒如冰其澤如玉其清如鑑由是一家之用不煩人力而遂給足衡茅之勝寢以膏潤矣山中父老明日舉相謂曰此處無泉何慮數千百年君居未久而浹旬之間忽於平地湧激靈源若出造化如是之敏是何祥也豈天嗇其寶將有待而出耶抑時至事契而適相濟遇也將以化尼父之雨以資後學耶將以興傳說之霖而被蒼生耶不然則泉源混混不舍晝夜胡爲一旦而驟至也居士曰汝無佞予予將告汝夫通天下者一氣備萬物者一誠我之禱也以衆泉之應也以心天地鬼神昭昭然常在人上若將閔予而告之曰爾家何貧

爾志何清棄官何人樂閑何其人棄爾取人疎爾親處
荒山以自適邈四顧而無鄰地若有泉不界天下其孰
與爲仁以吾心如陶潛故得泉涓涓而始流以吾心如
李愿故得濯清泉以自潔吾方將拜天之遺落泉之成
借此之居以爲斜川盤谷求諸文人作賦序以侈其貺
而流其聲不亦可乎父老曰唯唯居士乃命工甃焉

天台山全志卷十二

楚郢張聯元覺菴輯

遊記

薛應旂

字方山武進人

進士

天台山記

天台山在縣北三里神跡奇異道書云是山高一萬八千丈周迴八百里山去天不遠上應台星超然秀出路由福溪水險而清前有石梁廣不盈尺長數十丈下臨絕澗惟忘其身者然後能濟濟者梯巖壁攀藤蘿始得平路見山之奇秀特異列於青霄上有瓊樓玉闕天堂

碧林醴泉芝草凡諸勝槩莫能名狀也舊有玉霄閣又北三里爲赤城山土皆赤色狀似雲霞望之如雉堞然右有玉京洞道書第六洞天也宋咸平天聖中投金龍玉籙於其中上虞亦有玉京洞云又四里曰五峰其峰有五曰八桂曰靈禽曰祥雲曰靈芝曰映霞前有雙澗合流南注大溪東橫山在縣東一十里俗名覆船山本天台山足其上夷坦中有三泉冬溫夏冽側又有淨池以橫山據邑東故曰東橫云

葉良佩

字敬之太平人嘉靖二年進士官刑部主事

天台山記

天台山以高大之故稱台嶽又上應天之三台星故自昔以靈異聞予每過其地輒欲往遊人曰遊非踰月不足以盡其奇予頃難之會予免官歸得故人新城黃尹速予遊至則館於國清要梅壑潘子與俱而五峰雙澗之勝已得之行住坐臥間時嘉靖壬寅四月望日也潘子曰遊天台必自赤城始此山之南門也自是而北則循佛隴訪石橋東行則爲天封華頂西行則爲萬年桃源兩巖則爲洞天桐柏於是遂結束自赤城始赤城山石純霞色望之壁立如城具雉堞絕頂有浮屠七級西北有玉京洞金錢池寺廢無僧已復由故道尋九里松

月色在地人行松影中翌日遂北行踰金地嶺又五里踰銀地嶺至大慈寺前觀佛隴二大字寺僧曰此智顗師初脩地也又北則山水漸益幽佳日晏抵石橋先上曇華亭倚檻觀之見兩崖門立而石橋橫亘其上廣不盈咫尺上人掉臂行之無怖山北左右肩有雙泉飛出合流而來至橋乃伏出其下瀉爲瀑可百餘丈掛巖石間旣愜所聞復由亭右麓下至新亭接其端而坐則見石橋已在半天而隕雪之溜自空中下擊潭水作疾雷聲震動林谷於是乃大詫以爲奇觀是夜宿琥上人海會菴天明復往觀之兩日乃從山西行尋萬年寺由鐵

船峽度羅漢嶺山縈水迴每數里輒一山及至上方地
則砥平如仰盂登妙蓮閣四眺則八峰迴抱而直南諸
阜纍纍如列戟排衙兩澗水至寺門乃合流縈迴南出
前林松杉成列東澗古松數株皆大十圍有五六鶴鶴
巢其上每休坐樹陰則聞鶴鼓牙及唳鶴之音與風泉
相雜翛然非復人世畱信宿乃抵護國寺出訪錢大師
墓從者曰由此東北行至劉阮洞頗近會蔡舉人中甫
陳監元敏之適至遂合策尋劉阮洞洞去護國二里而
遠洞口如門有古木神祠沿澗而上兩山綉壁參差夾
水立水隨山曲折時漱石有聲曰鳴玉澗水壩草樹芊

綿東崦特葱蒨可喜曰桃花塢又折而北上路漸艱澀
及水窮而路盡有巨潭渟澈如鏡中有洞門潛通山底
其深莫測陳子曰此所謂金橋潭也卽劉晨阮肇遇真
處潭之南有盤石可列坐以飲於是取酒會飲其上仰
望三峰倚天而東峰特秀上有石如綰髻鬟曰雙女峰
昔人見雙鬟戲水或曰乃其精靈所爲是日晡出山憩
白郎寺觀巖石亦奇怪是日遂循董家廟小田鋪涉三
四溪至廣嚴寺閱貧婆鍾謁榮師肉身像師宋淳化間
人習禪定多異跡時呼爲榮羅漢死而不腐是夕投宿
寧國寺寺在平原後隴靡迤多古松前浸巨塘紫凝峰

在數里外寂歷可數又明日遂問道訪寒明兩巖明巖
大略如鴈蕩寒巖但差小爾巖西面有唐帽乘馬痕相
傳爲閭丘太守像旁有大石筍如天柱峰正北洞寬平
可列席旅會南有小塘外有八寸關寒巖後洞比明巖
尤邃且廣可容百駟而梵宇亦宏敞正寒山子所居兩
巖凡兩宿乃還憩國清黃君又先遣遊徼除華頂山路
再越日乃偕潘子由顧儒嶺涉歡溪訪齊處士高歡讀
書堂於普慶寺及抵天封烏投林寺舊號靈墟寔智大
師江解涅槃經處佛殿極壯麗有盤石智者嶺卓錫泉
北望一峰摩雲卽華頂也詰旦戒輿人緩行上華頂卽

遇險則下輿步行以亭午至其上中峰孤峭如華蓋諸
嶼拱羅寺燬僅餘數廊衆木扶疎多檜杉樺櫨其旁近
地有王羲之墨池李太白讀書堂又迤從北上可三四
里有望海尖登其絕頂則錢塘煙樹括蒼峰巒皆隱約
可見東向觀海上雲濤如環壁繚肘予乃拊掌大叫以
爲奇觀薄暮移宿天封老瞿曇謂予曰華頂絕高處舊
有僧寮可觀日出處後有四風毒不可居故其寮亦廢
又曰若自此南行至文殊寺上高由山脊行則諸山皆
在指顧予領其言詰朝遂南行至文殊寺上高由山脊
行則凡邑內諸山皆若翔舞奔躍在輿馬左右如老瞿

雲言輿人曰直南爲桐柏岡若欲尋洞天空宮當東從橫路於是遂東洞天空宮已廢獨玉霄峰重崖疊嶂舉蔚如故稍南有石門山兩巖對峙如門各高數十丈將至澗底乃有石橫亘如闕奔湍來擊闕如翻玉練搖鼙鼓子踞石注視久之乃復循故道行桐柏岡過元明廢宮又五里抵桐柏宮其地有臥龍玉女紫霄玉笥翠微蓮華玉泉華琳香琳凡九峰而宮當其心平原曠衍有村落溪流橋梁水碓道書稱爲金庭洞天吳赤烏初年葛元於此脩真至唐司馬子微遂奉敕建爲桐柏宮宋改爲崇道觀今復爲桐柏宮云西北有瓊臺雙闕去宮可六

七里羽士曰游瓊臺當先休足力卽至其處又必去輹
用行滕裹足攀援蘿葛乃得登是夕止宿於黃雲堂次
日早飯已乃偕潘子攀登如其法瓊臺三面皆翠壁萬
仞峭豎相向如城郭周遭而臺則南嚮懸居其中折而
東南可三里許爲雙闕翠壁山至此忽中斷對峙如闕
門路出其下而澗水從之然巖石皆陡絕不可下觀於
是還坐瓊臺而四壁之華葉曜日含風綺繡紛錯飭香
薌鬱俯矚百丈潭在臺左麓紆繞雙闕流入靈溪屏息
無譁其聽益遠真天台山之第一奇觀也還宿黃雲明
日出洞門盤折而下行數里至福聖莊觀瀑布又迤而

北至翠屏山觀三井皆奇初予自元明宮來謂桐柏已
在平地及觀瀑布三井始覺其地乃在衆山之上乃復
驚詫以爲大奇夫以茲山之靈異且多奇如此顧自近
世以來恒鮮異人宅之卽有遊覽者亦憚於驚遠變危
罕得窮其妙予於是重爲茲山懊惜復從國清主僧道
金借靜室局坐三日撰斯記

陶望齡

字石簣會稽人
萬曆己丑會元

遊天台上路程記

九月廿七日癸巳發足甲午早過蒿壩已時揚帆行觀
蔡山湖未至三界二里宿乙未過嵎浦謁清風廟歌石

屋詩凡再過申時步上竹山頭十月朔丙申早至嵎間
海門疾畱飯飯後行晚至南明丁酉觀千佛巖坐上方
僧房望月峽遂登絕頂碁枰石飲茗法輪石上午後入
新昌飲呂道州家還宿寺中戊戌發南明入城飲俞春
元家已時行二十里過小石佛鋪觀呂尚書祖墓二三
里過桃墅廟沿惆悵溪又行五六里過斑竹山有峰峭
如蓮花初開山景始佳土人言從斑竹小峰橫渡有洞
名桃源又數里至三盤盤盡遂躋慧墅嶺暮宿太平菴
門有竹柏甚幽戊戌從太平菴行二十里有小村落半
里至牛姑嶺嶺高五倍慧墅數折遂上絕頂衆峰纍纍

平處如案上覆盂又如佛頂上螺髻車馬行其上乍低乍昂如蟻虱從螺中蹢躅也始于遊五洩上響鐵嶺窮忽爲平野溪流峰峙聚落雞犬略如下方十里

意殊異之及登慧墅其上平行略如五泄紫闥乃悟向所見亦恒事耳不謂復有牛姑也譬如層臺重閣梯磴累進爲觀益奇矣台山如百由旬大寶蓮花巔頂上行如在鬚辮上二十里山忽微窪下望忽見平嶠古木梵刹隱見蓋萬年寺也寺前後皆巨杉大俱二十圍峰澗迴合形勢幽曠有南北二藏經皆貯以重屋後有立雪齋精潔可喜萬年飯後趨石橋五里經萬松菴微闢

爲崦水竹可愛從此至石橋嶺下皆深澗美樾水行石
上巖出溪表真幽絕之境雨中褰帷望之連稱大奇惜
不與同行者賞之過小嶺下趨望見銀瀑未至上方廣
少折而下爲曇花亭亭下卽石梁已亥再觀石梁遂下
趨有廢亭址仰望飛梁巨湍其觀始佳是日遂登華頂
下宿於天封華頂寺上登二里許至頂有禮經臺降魔
塔稍下半里有太白書堂右軍墨池寺下有方塘數畝
金鯽數百尾天封羅漢像甚精庚子從天封還趨華頂
後路踰高寮嶺度寒風關行約三十里從支徑入大慈
寺此定光所記銀地也寺東南有佛隴二字還登大路

由銀地嶺至塔頭真覺寺卽智者塔全身處從嶺上墜
高明寺如井中也少憩真覺遂下趨寺新鑄鐵像甚精
後有白華菴寺左右巨石如屨兀立正方其下常叢生
蘭蕙故名香谷巖稍東有靈響巖趨而右有圓通洞洞
斜下有盤石二重可坐觀瀑是日宿於寺寺僧多善遊
意菴午亭胸有丘壑真無盡師弟子也辛丑偕高明數
衲還上金地嶺過塔頭折而踰從仄徑步下觀龍潭夏
英公竦有銘瀑水蜿蜒石上石常爲水所磨盪滑甚不
可置足水闊處令人負而涉下有石井不能窺觀也復
上攀險行數里人皆喙息爲桐柏岡久乃得平地約行

三才圖會 卷十二
十里下瞰川原有小山環繞中闢一境卽桐柏廢宮宮
僅三楹祀三清右小屋有夷齊石像甚古旁設大庾庾
栗卽宮田官收之耳飯畢步往觀瓊臺雙闕奇甚然從
上望之其峭塹殊特之趣十不得一若從澗入踰石門
限且躋且涉乃盡得其幽奇耳恨寄塗已謬所躋險絕
不能下觀悵然而去初從真覺來至桐柏以爲迫邇人
境在平地矣逮下趨石梯數十轉不啻萬丈乃及山趾
更相與歎茲山之高絕不知其身之從天而來也下山
七里過紫凝一名飛瀑山卽天台賦所云瀑布飛流以
界道者也又數里望見赤城其後拔起四五峰如筍最

後一峰特嚴麗四面壁立皆方色真作紅霞色也若今
敵臺奇峭不可狀時日已脯蝸繞而登至半山有巖甚
巨如夏屋架楹爲寺復上千級爲上巖亦依巖爲寺道
家名爲玉京洞天前蔭美竹從竹間見晚烟野色甚媚
絕頂有古浮圖迫暮不及登下山已暝秉炬行六七里
始至國清其規模宏壯當在淨慈靈隱之上大殿法堂
皆新成有新賜大藏藏經閣始未就也宿塔院晨起循
覽寒拾舊竈右方藏堂殿前二方幢門外左岡浮圖萬
工池已厥淤池上有七佛小塔七座遂行數里經天台
縣七里鋪觀蟠松又四十餘里飯華嚴寺二鼓至台州

浮橋

李汶字人

遊天台紀略

太史公疆識立言者沂會稽探禹穴南遊淮湘北睇鄒
魯謂漫爾寄傲無當哉余少耽物象往往會意處輒命
巾車天台爲全浙西南隩區茲行役苦棘卽捐置不復
顧興逸窳乎缺矣詹春孟廿一日凌晨戒徒御單車往
崇陰布濩閣雨欲滴山嵐海瀟猝爾蝕剝偶旅滄濱脈
脈不自適無何杲日東旭屏翳盡撤蒼翠夾陌芳靄襲
人襟裾前眺岡左浮圖裊出插空而橫東一嶺宛帶芙

蓉中含洗腸井絕爲名勝詢之士者云赤城山也引策
而前可十里許爲國清寺梵門鉅麗豁目暨入卽荆棘
叢交瓦礫填委鞠爲圯址最後委葳處石泉名杖錫泉
傳爲寒山拾得卜麓卓錫場熟視淺澀不聯地脈或釋
衆所贗者偏東有丹竈儼存兩巖北逶迤數里爲真
覺寺東望爲天台雙峰特起望入雲表志載琳宮瓊宇
諸蹟卒無可問津者西北爲桃源洞歲久湮謝晨肇無
據夫山農野隸奚抱靈異而邂逅仙姝輒協鳳占且半
載七世何謬悠而畔經也仙人有無何渺茫桃源之說
誠荒唐有味乎其言也哉北向圍山壁立亂草蒙茸山

際腰曲羊腸僅餘一綫夾逼澗汜亂石嵯岈上下羣流
當其中者搏激跳躍澎湃怒號細急繁匏險訇驚霆其
大有不得其平者乎循崖數轉溪忽分兩流碧耀雙瀑
直下恍小湫然指示津吏應曰跌灘再遵逕而北巖岬
山巔者石梁寺西望巨淙如渴虹下澗駭駟馳原潏漾
浩漾狂瀾倒重巒而墮落忽低透石梁峻阪挂爲飛練
噴灑石缸肝衡石梁復天矯占拱左右夾獅象兩峰卽
崇伯子之鑿龍門未有是巧出天冶者揖對移晷盼懸
流咄咄語曰浪淘盡千古英雄人物有之乎安得偕若
洗瀼枕漱於旁其樂且壽固無極也兩力掖持俯下危

巔盤沒階山麓股邾閒盤辟憊竭矣入別寺少休庖者
具雞黍悠然酌數行日已亭午猝登輿出寺僧自蘿植
中跽請曰此中萬年藤也斲之可杖卽命取數枝某蒼
黝糾結不知經幾何風霜當是瓌奇物它日躡芒屨曳
長裾閒倚此瘦筇以徜徉蘭皋禾隴之上起而諦視有
不愕譚爲天台赤城靈植耶投之葛陂柱之玉女匪直
賈胡能辨之益北深入卽抵萬年寺鬼峩雄勝天台中
上刹福地也益北深入盤磴不可步亘拔旁峙曰釣山
喧飀瀑流者曰釣灘逡巡過嶺角巨壑內石狀堆疊卽
者如立俛者如倚斜者睨臥者蹲嶢側列劍攢戟云是

仙人驅石也夫蠡石何知驅使轉輾可血祖龍竭精殫
膏窮終年望蓬萊不可卒致又何能宰制羣僊而備汨
汨此役齊諧志怪有由哉迫暮窺天姥峰遐想太白夢
遊一吟橫肆跌宕可爲天姥萬古增色尋所題雄絕佳
麗處至磨滅未可一睹余謂謫仙天材難以控羈摧眉
折腰所自不屑故託之乎夢紀憤抒之耶縱觀天台管
蠡所窺測者大都若此縷指夙邁盛矣美矣標壯遊矣
而尚或悔吾思也天台險仄崎嶇甲寰宇茲迂塗蹇步
邇迴於欹側鳥道顛眴而未敢豎目跬步失戒將隕於
危卽所得亦附贅矣沂繹垂堂騎衡之旨緬懷怙亢習

險恬不挹損者斤斤有餘思焉謹聊記其一斑漫書於東刻之舟中

王士性

字恒叔臨海人萬曆丁丑進士官至鴻臚卿著有五嶽遊草及廣志釋等書

入天台山志

志稱天台山高一萬八千丈山有八重如張大帨以其上應台星故名天台天台山以華頂爲絕頂如桐柏赤城瀑布佛隴東蒼皆其別號神邕以赤城爲天台山南門徐靈府又以剡縣金庭觀爲北門天台山山脈起大盤而委爲四明其過天姥發頂落地爲五支其入山四漫而非一途自余爲桃源主人結廬洞口不啻數十至

矣其始也從國清入蓋丙戌秋觀海普陀與天刑生探禹穴而歸時也抵縣出北門過神蹟石咫尺國清矣然西觀霞標在望意不能捨遂先趨焉書玉京洞十大洞天之一也巖皆赤色望之如雉堞因名赤城絕頂淨屠七級飛泉噴沫落於中巖中巖寺嵌巖中疊甃洗腸井井邊青韭今尚生也下山東十里入國清浮屠比赤城倍之然不見九里松矣惟餘萬松徑三字圍八尺鑿石山門寺負五峰如展石坎泉盈尺普明師卓錫而成左廊三石錯立則寒拾舊竈石也智顗建台山中入剎此爲定光授記第一道場出門平橋際崖松澗康盤迴

嶺以入澗水自高山落與石齒齟齬喧厯呌號如璣如
如翔鸞鳳倏忽萬狀別澗而上金地嶺坐定光招手石
指銀山稱佛壠焉寺號真覺則智大師所從蛻骨雙石
塔存其未至塔頭也路側有大慈寺倚大雷峰旁有智
者泉寺燬而唐梁肅石碑一座尚樹於畛壠間東望灌
莽中寺在其下反顏其額曰高明路旁巨石僧指堂書
天台山并隸敎源二字近白雲峰下又有太平寺址蓋
三寺相犄角焉東北爲司馬悔山道書第十六福地又
北爲靈墟則白雲先生所棲息焉亦七十二福地之一
也或者以天封當之或從金地別一岐而東行旣踰嶺

折而西北數里兩崖如闕鉅石踞其表罡風蓬蓬起驅石如舞人行不成步卽六月披裘而慄名寒風關過闕數里爲龍王堂西岐乃去石梁東則上華頂東上華頂經察嶺亂石飛翥在所成趣石有峽焉爲雷雲漢徵君高察隱居也又數里下雙溪上天柱峰磴道偈仄下輿拾級而上十里至竹院佛弟子真清興教源叢林精舍經聲喃喃足稱婆娑淨土轉峰左側路三里許上下二深池縮谷口淪漪破綠金魚數千頭最爲高山之勝池中爲馳道度蓮華峰下爲華頂禪林出其左三里踰嶺有王右軍墨池焉上爲太白堂堂廢池存余爲建三

楹貌二公於中顏以萬八千丈峰頭再上二里則絕頂也智大師於此降魔舊有塔與禮經臺時方盛暑露坐見天星大於拳動奕奕堪摘且皆四垂脰脰下夫茲山雖高視地高耳莊生所謂遠而無所止極者其視下蒼蒼亦若是耶何得星辰四顧在下且大於他時倍蕤心詫焉涼颼起谷中雜天地二籟以號竟夕不成寐計漏下五鼓矣道人報海底日上與生急披衣起東方大紫氣籠聚黯黯中上有金縷萬丈正射余衣上余大叫雲海盪吾心胸矣道人曰未也已片時則一赤輪如鎔銀汁蕩滴而上前五色盡滅始知向所見影也是爲第二

月哉日輪漸高溪源草木如畫東眺四明西招括蒼南
望鴈蕩北睨錢塘四方千里隱隱可矚羣山伏地僅如
田塍而此山了然上出如懸一朵青蓮花方開而瓣垂
垂也昔人故以華頂名之始悟夜對星辰非爲羣山無
礙若天下垂故耶斯一遊也足雄生平矣然猶未半天
台也其繼至也則由桐柏入蓋余家台城由間道龜溪
可步南山乃引二僮自跨一蹇驅信宿翠屏西下數十
里至寒明二巖二巖同一山以脊相背而倚明巖道不
容軌兩石峙如門夾之巖竇嵌空飛閣重棹半在巖間
不復覆以茆瓦卽石成簷如赤城也洞口有帽影馬跡

俗稱爲閭丘太守蔭遺影蔭謁寒山拾得於國清竈中
追及之二僊拍掌笑入巖去巖闔閭丘蛻焉崖上飛泉
百丈以鐵索斜接之又北行轉五里餘始至寒巖馬首
望巖真如天上芙蓉十二城亦彷彿行黃牛峽也寒巖
石壁高百丈如屏洞敞容數百人夏至不見日影一石
方正則寒山子宴坐處也西臨絕壑爲天橋堂宇皆置
巖下時有翠色入戶牖堪挹又北行五里過清溪入護
國寺尋桃源繡壁夾澗岬嶠而立水流亂石間聲如珮
環者十里三折乃至其奧每折似堂皇扇戶不見去來
中有潭清冽沁骨名金橋立潭邊仰望三峰如捲畫而

東峰特秀上有石如綰髻名雙女峰昔人見雙鬟戲水
或云其精靈所爲然蓬藿嶮難於懸度余乃於離別
巖下鑿石通道構一室於洞口爲桃花塢扁以僂僂屋
頭種桃千樹茶十畦買山田二十雙計作菟裘它日二
娥想當相俟於桃花碧落間也左行麓至紫凝山瀑布
懸流一千丈陸羽第爲天下十七水又數里上桐柏嶺
始入山嶺行可一里宮其上豁然夷曠環以九峰玉女
玉泉華琳玉霄紫霄臥龍蓮花翠微也道書七十二福
地之一謂王子晉治之又云伯夷叔齊爲九天僕射治
桐柏宮有二子像玉石鏗然非山所產也司馬氏遺跡

亦已杳然宮有醴泉前有女梭溪從印山轉南水口爲
三井下流入瀑布中自桐柏西行五里至瓊臺臺在大
壑之心石山空起狀如削瓜下俯百丈潭心骨驚悸沿
流南轉至雙闕皆翠壁一抹森倚相向宋山人張無夢
結趺焉稱僊座折而回仍過崇道觀行羅漢嶺數里而
入萬年寺寺抱八峰晉白道猷所振錫而營也門外巨
杉百本其大參天凡供五百大士必於是邀請家司寇
公建閣其後藏慈聖所賜經出寺又且十里而至慈聖
寺寺當山西北僻處經歲無遊人良脩真者所棲也東
五里穿叢樾路絕復攀藤而進乃得斷橋兩崖接棟中

不合者一線飛流注巖下如簾狀成二石池有龍居焉
石壑之最奇者也又循鳥道西十里而至石梁山壁對
峙一巨石如長虹橫架之龜脊莓苔廣不盈咫尺前臨萬
仞壑上游澗水二並流墮石梁下如雷震晝夜鳴非遺
生死真莫能渡上有曇華亭楹半外乘王龜齡碑刻存
焉其前身此橋嚴首座也傍爲蓋竹洞三十六洞天之一
志稱石橋方廣寺五百應真示現處隱於石中樵人
牧子時聞鐘聲之響然皆不可覩矣是夕宿海會菴明
日從間路上山不經天柱而登華頂大雨霧一無所見
然余所構堂成矣其又至也則從樵溪入樵溪者歡溪

也爲處士顧歡而名孫興公所謂濟楸溪而直進是也
時崑崙山人王子幻訪余於丹丘余取道自資福寺送
之過陸龜蒙所銘怪松循蒼山而西三十里至慧明寺
禪林始入歡輿泐溪入十里抵天封寺寺最鉅麗右楹
有異僧以木屑縛爲柱常存束爲智者嶺中有卓錫泉
過天封一澗從華頂流下亦循澗上十里而至二池入
寺子幻已先俟太白堂矣山高風寒甚草木不生惟太
白堂前三娑羅樹四月花開如芍藥寺前一杉一檜綠
成陰耳餘則咸煙霧棲扃戶非中秋左右無鎮日晴又
雪甚早時方霜降山頂已三日雪封山矣余掛二竹筒

酒蛤蜊百枚持鉦夜火衝虎跡而至顧池中有巨石呵
凍蘸墨池水爲書崑崙二字昔王右軍之來以許元度
李謫仙之來以司馬子微余何敢望二子且使後人識
崑崙二字生於石上耳信宿買舟而別子幻曰右軍昔
遊惡溪樂其奇書突星瀨於石君舟行諦視 在否余
唯唯竟不知所在而歸其他從護國寺從天姥嶺咸寓
足焉而獨未從山北上天姥者天台之來山也故稱姥
焉天台山北水二石梁水流入剡雙溪水流入明天封
水東流過寧海入海萬年水西流出王渡入剡餘皆會
清流而下靈江余讀天台山志蓋自古爲仙窟宅彼洞

天福地之說儒者謂誕不經然宇宙大矣聖人存而不
論然哉及余行山中見其川谷盤護氣象自不類人世
則又疑信半焉久之見上有靈芝醴泉又木有羅漢菩
提草有觀音長生花有娑羅藥有茯苓黃精則非獨人
有之於物亦然

鄒迪光

字彥吉無錫人萬曆間進士官湖廣提學有
鬱儀樓調象菴始青閣諸集

遊天台山記

天台山廣八百餘里其間巖壑縱橫不可枚舉而總隸
於台山從嵎縣入則寶相寺從天台縣入則國清寺蓋
國清其前扉而寶相後戶也余至嵎縣時天色黯淡虞

其謀雨而不意其欲暝以急欲覩石梁遂問道寶相行未數里日已入虞淵爲列炬而進炬乃松片削成乍明乍滅無大光焰如從閃電中放腳躑躅不知所之聞壁塢間有若鐘聲木魚也者不知寺到爲之解頤旣抵寺門剝啄數十不應以拒石撞之僧始啓扉延入而又以行李未到無被可覆坐夜分始到始解衣臥臥未幾而東方白矣入無梁殿瞻石佛佛高十丈五尺廣倍殿高二十丈許廣半倍皆就巖石琢而成之寔惟一石無所踈合殿前有屏高廿餘丈許廣一半倍亦就石壁削而平之寔惟一石無所踈合屏左右有山崔嵬而擁腫隆

然如困廩狀約高數十丈廣倍之亦惟一石無所踈合
衆皆駭以爲奇出寺折而南觀千佛巖巖前陂陀連屬
岬岬交錯目界亦小勝而所雕佛甚俗翻爲巖累從巖
後行二十里至新昌從新昌二十里至筍竹嶺嶺上有
青松有翠篠有丹楓遙相呈媚嶺下有澗澗有橋跨之
下多異石爲水所激灑灑作人語松篠之屬風至則奏
絲竹亦一妙境也行三十里而至太平菴過江諸院類
多埋埵穢雜而此獨完好淨潔有樓三楹倚岡以居竹
色映帶匡牀受綠僧不野不滑雖小俗而有樸意與之
坐無所厭惡出山栗棗脯啖余余感其意不拒也飯罷

山間道抵石梁旁有石橋山三峰並起兩崖間石梁橫
亘龍形龜背長可五尋廣不盈咫尺千年苔積雙澗之水
合流下注爲瀑百餘丈撼厓石而趨橋下湍湑湍潄如
雷如霆其飛流噴沫漩環榮潒橫灑橋上又如雨如霰
橋與厓石各爲瀑所擊欲泐欲仆不能自安此如渴虹
見水倉忙奔赴盡其猛力而投於不測之淵淵內復有
怪物起而格鬪兩鬪不相下則以其餘怒嚙山噬石精
奔神注滲漉大地此亦天下之至觀也石梁人無能走
者獨一老僧年且七十善走呼之走如履巨坂往來自
若問之曰不見橋耳微獨無橋且無懸崖無瀑耳乃知

丈人之沒伯昏無人之射率以不見得之忘水忘火可
蹈可赴天下事盡如是耳衆驟見瀑皆以爲奇撫掌稱
快而余獨有微憾於此者人在下而瀑在上從下睇上
始可得其直下之勢而窮其奔雲擁雪之奇今所建疊
花亭與梁平又與梁逼地勢跼蹐則目力不遠安能盡
得其勝也因與金子徐子牽葛破蘚搜一線之路循崖
下走坐濯纓亭基一望則石梁在半空之上所注瀑自
半空飛下若不知所山來與近玩大有逕庭矣

王思任

字季重山陰人萬曆間進士官刑部主事九
江僉事有避園擬存虞山詩

游天台山記

宿桑洲驛之次日取石梁道一過李氏隴山不守度矣
蒼壑亂撐大石怒特谿如萬鵝擘翼先有高鶴長鳴叫
雪飛來草木惡塞一線黃泥斷續入天望前行人驟俱
畫裏尺豆忽露忽眇而予亦寄命懸絲上幾不知馬之
幾足有一巖喚弔溪戴一石如巾子中隙明截了然不
知何人掇置去六七里忽有黑猪數萬埋頭浴背負塗
涉波而來一行人怪笑相傳錢王策此石津錢塘失曉
不得去以理察之是山所融結俱圓塊水勇士搜則累
累滾積下吾姑欲其妄言之妄聽之也雖然欲駕虹則
鞭之欲起羊則叱之吾惡知仙人赶石非誠言哉或易

之萬馬渡三縱四竊其形共見而馬之與自此上數十
嶺如拾浮屠級雲物漸多予順風而翔愜然冀有所遇
須臾霧合人山俱失如魚遊氣水同行人恐而相呼謂
山君或乘間而一跌則蛟龍之宅也旨哉歷下生之在
太華也予其善載腐肉朽骨者乎不復知有天矣踰嶺
霧盡撒望台山一圍碧浪萬千則又仍在天之下也然
是嶺不得卽落不可輿又不可步仄劣陡懸前顧滅方
許後踵生洪厓肩當於此際合拍自此見山田如肚幅
又如耳層疊相有塔出森黑中是萬年寺矣寺故帛道
猷福田八峰圍拱雙澗合襟能於花瓣中自開一平局

風氣之所聚也巨杉戟列拄天衛佛氣象沉肅一戒石
云萬年古樹神仙畱此有人伐之其人卽死當是游行
仙護法作棒語登妙蓮閣問所爲袈衣寶蓋者僅畱宋
記而聖母所賜藏經金輝玉潤規模宏遠矣上人雪堂
邀入噉茗坐竹閣下流泉潺潺曲逕花深就樾陰作小
圃藥闌點綴文潔可愛雪堂虎林人文字知識也苦山
之中構以杭式便楚楚有快致仍步出寺門酌谿橋上
予與睿孺紅飲而雪堂爲之白醉止予再四其如石梁
忡忡何然而馬首屢回予每飯不忘鉅鹿也過蘭若堂
截溪作沼杳綠蔽封人如翠鳥往來枝葉上穿弄踰鐵

船峽羅漢嶺山益幽險奇遂與窮而步一嶺碧陰浸魄
染骨眉額相照俱梧竹氣靄暗中竇透數點白天不知
何處轟雷起則趾及上方廣之門矣清池一鏡斑魚數
百頭來迎生客意是瀟湘綠雨下青風也急捉僧從右
肩上曇花亭禮大士已觀所謂石梁者五月水大壯上
兩壑穀洛鬬梁上梁如獨木橋筭背龜形長亘二丈廣
盈尺而五六步中脊隆寸許牽連對壁路絕僅容一佛
龕有輿夫不識浪欲過之然萬山砢礚已奪氣不前探
首梁杪一窺卽股戰齒擊一行人不笑而怒急牽去之
而所謂梁上水者從瑪瑙平腹飽積起走梁下直掛杳

黝之淵他山瀑布俱圓渾條直不盡布義獨此扁落梁
若機橫其上真是九天飛帛也曇花亭建自賈秋壑故
有賈像王龜齡宿世卽巖首座曾寫石橋碑來龜齡二
詩可讀舊傳此山內有方廣寺五百應真羅漢家焉而
瀑布則從入之門也自曇公拜入後無敢有開溝者亭
像俱精妙今杭人葛大悲所潤葛棄家入道在天封寺
壁間詠惟楚柱史楊修齡妙得石梁解出亭左嶺有蓋
竹洞天大朱篆瘦硬不減李當塗數折而下坐有橋松
樾間望驚漢之翻落恨不多人共之更恨奴子且別往
下方廣覺公喚取活火煮本山茗眼見萬里天上水須

與到口冰壺洗鼻人在雪宮不禁此清絕也入寺逕新
篁數千大可抱俱慘碧滴人竹裏界飛泉如翡翠中簌
數條銀物雖俗喻差可擬耳瀑旣善吼人不得隔吏語
而四山白晝俱陰夜更易不無恐怖眠覺公樓上喧極
反寂然夢中時時是雷雨明日從竹西至潭下飛濺射
人陰風逼氣急走還但覺淵注停渚納而不流此必有
物受之矣而覺公爲我言斷橋之瀑更勝予已心折石
梁低徊久之然不得不痒痒斷橋過強嶺暗溪者再始
得大壑著芒屨持一健兒行六七里苔砌顛數四審孺
笑予未縛頤而楚聲爆脰下則以笑酹之山深無聲跡

亦無樵處一行童先驅蛇艱苦嘗盡至橋上俱大卵石
相對中可跨故斷之實無橋也石既圓滑稍不戒無何
有矣乃伏石上推首窺之則玉龍下注不知其幾千仞
也聲色俱厲爲之神滲肉飛是瀑下有數坎秋涸時水
下一坎輒停一頃又下如切方片玉者乃足佳今水盛
直下徒雄雪耳何能薄石梁而逃此寂聞爲然下數里
一展珠簾水則鮫人之淚萬顆圓明抽襲冰蠶向月下
織結晶絲箔者是當嫁龍姝恐石梁之火浣欲裁作奴
衫也予薄倖矣出原路見輿馬如就枕都不記撥幾何
惡溪巖也蹭蹬開口嶺馬蹄謝矣強借輿之半旋而上

之望腳底朶朶碧蓮花也一雉驚飛下半日不得竟乃
墮之始入澗而帝居青鳳彷彿翩翩矣入善應寺反曠
衍有田池宋儒走之當又有一番理氣卽竟力克華頂
訪智師拜經臺降魔塔伏虎壇俱爲瓦礫而太白讀書
堂賒與二頭陀坐靜至羲之墨池一勺水耳其寫黃庭
之洞近亦蕪塞大抵台山以華頂爲心華頂高一萬八
千丈餘山郭之浪湧雲屯其勝處在夜半觀日霽後觀
海秋淨觀錢塘煙霞家視頂爲歸極之所而予獨謂其
癡肥童涸不過一高而已予昔登清涼之北頂右手招
大華捲舌一唾左落東海千山萬山大者豚畜之小者

馬蟻子也項王一呼千人自廢安敢摩肩背拱遜鴈行
乎司空見慣一出頭山渾閑事耳然于形家看个字龍
分宗出祖亦不爲無補云從華頂還善應寺步二十里
許旣餒且渴裴晉公逢著便啐而苦無酒取左嶺下見
娑羅樹花九房六瓣何必減優鉢羅耶捲丹草更奇而
而白花種種山鳥尚疑僧定不識一絕逕至天封寺溪
田廣正藏納苞聚訪所謂大悲者立關二三語將田受
者不多可使與者忘少殿上阿羅漢一呵卽活云是羅
漢自脩自証其二飛至國清相傳智師開此地有神遇
因號靈墟宋改額天封無他異但卓錫泉澄澈今古則

佛門之大湯池矣從天封右逕箬簞中過三村舍出來
童子毛髮皆古雞犬見世人各有傲慢之色極力走二
四峻嶺約十五里許始至開口與輿力合勃率稍定乃
得瞻顧所謂華山頂者冉冉天半是雲中君也然予尚
在山之嶺視下方不啻禪履幾千仞矣夕陽將至亂峰
丹紫馬頭映射步步看九腦芙蓉怪峰異石方圓長短
各如鳥獸器物人人比擬一事以相誇示轉而上之約
三十里許至金地嶺均訪古定光址已莽爲農舍尋佛
隴大慈寺徒有燕巢之形去數里許一壁刮天有天台
山三大字畫每徑四尺矢勁鐵強云是美髯公筆不知

何據也復上嶺至塔頭寺觀大師化身而樹封竹暗宿
鳥催呼前林無路矣則從綠隙中聽下方鐘聲隱隱盤
折尋去一逕腸孃孃盡而溪橋出方田綠稻芋眠晚香
所稱爲高明寺者寺是大師讀楞嚴風飈至此所建而
寺主人無盡師說法南明天樂佐響乃東南無畏光明
幢偶出象山兩高足延入禮佛鐵像精立而予則疲於
津梁橫身卽樂土矣詰朝由竹廚下看幽溪坐般若石
聽浪春捫一仄逕取圓通洞三大石堆成妙有天來雲
聽呼入泉喉亂放蜩咽鶴清或直吼下如獅子作武又
或奏獨笙或擊萬鼓攀蘿上松風開額瞻左壁骨繡毛

錦燈公十丈寶蓮舌無庸導師便便然靈文元對不可
謂單直蒲團上來也去此三里許一石跳地插天欲往
從之茂草跋扈遂別去取舊嶺上數里望台邑一方邦
耳俄有蒼筤筍一枝沉墨扳起山尾是國清之塔矣路
眩陡不可興筋股健束速向鞋底下取塔取而益隔旋
十數嶺一蹊俯千丈餘一道銀布從絕澗拋下乃石梁
小弱弟析居此而日夜啼號者馬慄人寒各不得語亦
不能轉換回側稍延至容足地塔出馬首予然後有國
清也寺若成國卽清初疑開山之讖記當在塔已而訊
塔是隋時物無有知其宗譜者寺前大溪環之有橋荔

裳薜積橫亘其上而四顧松楓俱數百年老漢蒼髯綠
髮腰曲臂擎各迎谿舞右澗合襟至萬工池池邊七石
塔佛立山門千餘年矣斗拱如洗卽罕恩無一蛛雀云
是魯僊運斤異蹤爾爾寺僧體虛肅入見古先生後遂
省寒山拾得竈竈石儷存閭丘太守訪僧竈下見拾得
薪其脛乃拜伏而拾得謂豐干饒舌遂呼寒山遁去夫
豐干饒舌矣拾得又何許添足至笑罵引避菩薩曉人
不當如是問大師談妙諸天散花亭在柯處及瀉山戒
壇豐干騎虎之踪俱隨煙鳥沒矣獨飛錫二泓明珠夜
月相傳葛洪金錢定此趾而大師以錫據之丈軸老佛

豈若小兒奪黍子然吾從五峰下瞰寺在玉瓣中天開
地軸道眼所收佛仙反不許爭風水耶殿右一井題曰
曹源是宋曹勛筆偈語禪可是晚攜酒脯臥急壑亂流
中雄飲大叫觀秦王獻俘太廟時先後鼓吹浴鐵三萬
生平以來一日也國清是天台最初寺名旣舊好而山
清水清松清塔清鐘清鳥清橋路俱清僧更清而予所
居塔左靜舍益又清六七日大雨如注與谿爭響頗煩
恬枕上躡屐出寺門峰頭白雲下來追陪欲語杖履衣
袂間皆作冷香拂拂橐中米盡虛上人磨蕨麤同人綠
均撥竹本討笋燒羹得飽快已而天台胡令君遣饋酒

其炙自潯陽何暇計安邑之累而家人往市歸復得溪
魚肥活可人意遂又邀寺中小友往壑上飲食虛上人
取石銚燃竹枝試予蘿茗有英公能作世語復能操南
音每一發雲止溪格手激泉花足棹湍雪蓋止願今生
國清矣雨稍霽虛上人爲赤城從與赤城去國清五里
而近遂拔足走看萬山俱雄青雌碧獨此山壁立數千
仞頰面橫掃中有綠間遂若霞氣上下三兩層與公以
城字之真能目此山者霞標一語當賞二婢取山肩左
上見二小屋炭瓦紅牆近視之則山髓肉土廟也至前
僅赤巖耳流水涓涓路遶壓其上卽不見喘息至上巖

玉京洞天也仰視崑崙玉膏乳滴作雨簷聲洞氣縮人而無數竹青引萬山丹采從隙中插入人骨不定何色面面冷陰而已尋剔蛇路必欲登峰詣極崖葉茶香正爾撲鼻而苔滑足劣樵人大呼不可相與勉息跪石斜上草弱難援一步一算偶窺欒川幾下韓退之淚猶幸風微不至同站鳶落耳遂得觀雲猷洗腸井昔尊者叅方廣有羅漢云其胎時過畦畦穢不聽入因洗腸此處蓮井菲盛亦神異蹟也夫了元燒猪南能食肉邊菜遂爲千古借伎倆天台僧菲熟時將洗腸耶抑納肝耶至頂上觀梁岳王妃所建浮屠草深一丈蛟豹隱忍避去

不可久停放眼一觀諸山伯仲十一立初十九乃還下
探釋箋巖良苦又訪結集巖無有知者至下巖看吳觀
察赤城霞三字吸茗而下雨大注同行扶掖急走還次
日天不雨同虛上人探寒明兩巖從天台西門取道家
家溪樹翠鳬雪鴈雲磨水春想桃花點綴武陵源當不
勝此村盡處一橋虹偃四山舒展民有麥禾之樂二十
里至龍山寺無奇又二十里飯平頭潭小橋溪店曲巷
短岡差不俗渡一兩溪雲山紺縹恍然曾過來猛記得
幾年前夢中境界毫忽不爽過折岫一何姓家千尺古
松二本作老態商敦周鼎辱在賣漿可奈何憩孟湖嶺

聽割麥種禾聲聲山響數家峭壁下生活山水隔絕另有日月見一石如獸踞一石如墨靈芝莖細而房大可愛山皆石疊簡積詭戾裂縫披麻如今所食餻瓜又如拆破蓮囊託在碧盤之上大類鴈蕩山上洞無數有仙人棺龍鬚洞奇甚下山則大竹古藤長松樟柏紅豆樹筋纏骨挺蔽虧攢植於是謁寒巖洞如灰箕道士開口五臟皆見可函千人龜蛇上山石亦肖巖左大鷹石觀瀑絕壁光削約五百丈練子水拋下濺石珠碎右有雀橋如甕圈削剩一條黝不可上奇險孤匿似薄石梁猶著人腳者呼農僧共酌吟寒山子詩是夜夢殘鐘冷高

山臥反在水中央明日過無字崖看明巖寒拾二峰似
和合仙抱語兩人真石交矣巖下有通海池植鐵色紫
荊樹經八寸闕回望象縮鼻狀稍似殿頂削崖屏漢相
傳閻丘太守跡寒拾來闖入不甚肖惟席帽半身以意
逆志耳至所謂馬跡則各目其三而予似五之從壁縫
看起一馬山門縮首入一馬昂首相倚出中一馬翹足
長嘶最辨上一馬首脩甚正對人見前二蹄背一馬首
入內隱此馬後露其尾五馬天骨開張神氣皆竦面壁
聽之騷嘶不斷玄黃牝牡蹄耳不明俱不妨天閑神駿
問丘棄而去之何不遂贈元冠之使使免跋涉之苦壁

頂掛一瀑銀繩條落半墜潭時綏綏灑灑似一束碎雨
對山一石孤立二千尺松柏植其上必雲間鶴得訪之
由苔砌入洞三十丈許愈深暗從左隙出見白狸伏在
穴上雪毛森磔嘗穿穴至前巖取飯僧苦之以塔厭其
足踰數步一石笋斜插如萌怒未伸者至合掌洞前後
天通此中必無六月又上一洞却對唐馬一幅而洞腹
用大石擊之輒鼓叫又上一洞忽見達磨像首出藤葉
上儼然西來生氣爲近日四明劉光祿破識寒巖奇是
詩料月巖巧是畫料寒拾復起又當拍手而呼蒼天矣
仍從孟湖嶺下嶺根村一支逕渡三四溪至白衣廟小

山突兀溪如明河決溜而三虬松鼓濤與之爭霸力不勝而咽一佳境也行二十里許至廣嚴寺隨喜榮羅漢肉身問貧婆鐘已灰劫矣行二十五里許宿長塘范氏之樓山民強作解事方行九賓禮苦求解不聽而腹又大枵甚欲臥時又相與爲磬折天未明急去取三茅村撥盡山坳得桃源無洞有菴曰桃花塢三楹屋顏似僊仙亦無劉阮像剡僧雲公止焉引入看金橋潭飛泉杵鏡坎坎幽疑大小石壑相望不知誰曰會仙而所謂雙鬢峰者二頂葱蔚亦因事而授之氏也更入惆悵谿路盡則相與撲跌捫山骨得跡一趾遂喜掙一跬力窮之

谿始盡山俱大青古綠恍然三山十二城絕無聲聞杳
然太古同睿孺及二長老二僕坐石上歎謂今夕何年
睿孺遂癡云謂水迎花笑定有人出必待夕予笑曰誠
有之但曾卜易得比之釋不寧方來後夫凶耳然二美
之贈送兩倩之再來此地此時不堪柔腸千古記得周
美成詩桃溪不作從容住秋藕絕來無續處人如風後
入江雲情似雨餘粘地絮此紅淚下語年年血在桃花
矣問所謂瓊臺雙闕者土人俱不知何謂雲公曰吾當
以杖作眼行三四里過瀑水嶺下高壁障天清溪照石
望桃源瀑布似驚虬倒掛幾百丈村農女兒小橋邊行

汲入竹去仙家矣籬花自笑居人何必解東西也雲公
數乞路野人都不應行五六里一老叟指點似有要領
而雲公十年前曾望見來於是得入見所謂瓊臺者玉
山寒並已爲厭腹而予遂欲如桃源例竟之初褰裳去
幘從樵路峭入已而樵路絕俱壑中行審孺乃大恐求
止一石上予單袒著草履持一方竹取鳥路已而鳥路
亦絕僧僕呼吸叮戒一步潭卽一步石或不可則退之
再試百計闌入石盡山寨山盡石塞則以竹剔莓苔蜂
綴而猿接之眠撲偷過窪隆懸滑以千尺計俱數十處
閉聽一視而僥倖蓋粉者數矣喜雨後如秋輕陰皎淡

不熱苦人約五六里許瓊臺正而削突整嚴是一萬雉
方玉樓大翠大錦蒼葢而成者一山稍圓直佐之而所
謂雙闕古鼎兩柱峙插其上碧盡霄霞令人魂絕此皆
王子晉葛鍊師魏夫人輩騎青鸞步雲氣汲金漿而調
石髓之所也予何以至此罪耶福耶遊耶夢耶始皇失
志於東海武帝絕景於蓬萊予一日而有瓊臺雙闕也
予何以此迷意喪而寒風陰氣逼緊衣裾僕云
十步外一大黑潭溪盡山盡矣視聽之波沸沸圓折起
有龍物將出怒人急走還不自知其步之翾捷也乃從
山上隔三里望呼睿孺得空谷之音輒大呼作僞笑察

其色憂未解共詰之乃云岡上忽忽大動若虎出吾其
淵矣二僧相視而笑意間謂吾之所憂有洪于虎者相
與汲溪啖餅果慰藉別雲公去得輿路纔四五里上斤
竹嶺輿不得用子勝具能緣高若都盧而是嶺則足所
未閱者高不過十四五里但峻削陡險僅容一腳步步
則以膝承額有千餘折氣喘盡乃上十之二渴燥甚無
所得水覓得一隻梨不僅是張公大谷至絕頂路忽大
坦走四五里無人不知何處下落金庭洞天乃分探之
始走至至則爲桐柏宮九峰環裏三井玄湛址如仰盂
有平田數十頃乃司馬承禎脩煉地按真誥記吳有勾

曲之金陵越有桐柏之金庭三災不生洪波不登是宮
肇於周靈於晉盛於唐擴於梁宋其爲瑤池蕊室玉宇
丹臺白鹿青禽靈芝瑞草者不可勝紀而今僅僅一寒
道士守黃雲之故堂半丘腐麥子卽不死之靈粒何以
盛衰懸絕至此然道士猶能指點葛井宋壇一一在寒
藤蒼蘚中也西行五里訪元明宮已廢取道仙人蹟望
吹簫臺遺響絳雲眇無定處捫蘿至瓊臺之上又歷南
踏雙闕但覺絕壁森倚呼吸通羣帝之座玉泉華琳二
峰當其中闕後千層峰巘如大海紫瀾乘風而擁此天
台之心矣勝遊哉第不敢俯窺予語道士此下可徑行

否道士謂必無行理而予謂從萬仞之下飛來則道士以腹誅我徐大受山行摘句大壑之心瓊臺突起嵐光波綵狀如削瓜語極形容似從下而得臺闕者然又云俯百丈龍湫心悸骨驚不可近視則徐仍從金庭取臺闕也予以窮日之力察之則臺闕之勝據其顛反無所見必望妙於登而仙路凡隔人不得入何從而知之子其破鴻濛者乎與公之賦天台也曰倒景重溟匿峰千嶺始經魑魅之塗卒踐無人之境而結之曰陟降信宿迄於仙都雙闕雲聳以夾路瓊臺中天而懸居意與公微顯闡幽或出其上下然亦不知是吮毫代踵否耳還

至宮飯罷謁孤竹二先生石像冠貌甚古台山借重首
山人豈九天僕射之說耶捫宋乾道碑十行香火文字
恨韓擇木所書崔尚頌被風日蝕盡猶豫走石橋出洞
門盤折而下十里許至福聖莊觀瀑布夏雪春雷江懸
海掛當年瀑布寺中竹窗松檻不知何人年年臥看濺
珠亭僅有遺礎然飛沫時時穿葛可人予初在桐柏宮
見平疇衍野一豁苦礙之目似入潼關驟得百二山河
者及回首瀑落九天仰觀所下嶺雲封樹滅而後知桐
柏地在天上也予日不過兩寸惡能窮宇宙之變哉相
與唱凱還國清疑眩茫然者兩日人間長見畫老去恨

空聞每詠斯語輒欲擊碎唾壺萬年老杜不得接天台
一面而寓公相處甚久台鳥盡皆熟識其灑脫者來掌
中就食一月之內自魂魄所徵候口鼻所受納以至便
遺所化捐無非雲氣水聲也天台何以侈予而予亦何
繇得見侈於天台也外史氏曰予遊天台蓋操一日之
支衡矣賴仙佛之靈風雨無恙以搜閱竣事略用放榜
例品題甲乙與諸山靈約矢諸天日不敢有偷心焉文
章胎骨清高氣象華貴萬玉剖而璧明萬繡開而錦奪
崑崙嫡血奴僕羣山仙或許知人不能到所謂瓊臺雙
闕也第一磅礴渾茫從天而下不由父師立叅神聖雄

奇之極反歸正正堂堂吾畏之終愛之石梁瀑布第二
天繪巧妙鬼斧彫鑿腹字多奇令人解頤殫步能品加
入神品明巖第三孤月洞庭正爾寂照忽有天山萬里
雪一夜飛來此曠世逸才國清第四恍惚幽元不記何
代片時坐對人化爲碧桃源第五繞腸雄氣滿腹古文
鬱鬱蒼蒼扶餘窮北萬年寺也第六鄧艾縋兵入蜀要
以險絕爲功不險不奇奇絕乃險斷橋落澗第七醉筆
橫披英英玉立不與絳灌爲伍名士也但才氣太露煙
火未除屈置稍後赤城第八孤芳獨唳不求賞識然奇
矯無前人人目攝寒巖第九清新俊逸居然道骨仙風

是瀑水嶺下數家也未有知名當亟拔之第十魄張力大有如天風海濤風領台山之譽華頂第十一因宜適變曲有微情藏若景滅行必響起高明寺幽溪第十二望之甚奇卽之甚平別造一格高下倒置桐柏宮第十三停勺冲粹淡日和風輕入長春之圃寔稱其名天封寺第十四句句番語字字鬼才別有肺腸不得以文體而黜之神仙赶石第十五餘如廣嚴護國無相佛隴福聖諸山水及悔山歡溪顧堂察嶺等尚有百十勝未錄或前事之工易掩或一日之長未盡或星屑而可遺或雷同而易厭或目未接予或足尚妬爾庶幾獲附於拔

十得五之義而倖免於掛一漏萬之譏也予之所以笑
第台山者如此矣